

凡刊登廣告者必須將原稿略為刪改其不先明者外概不退還

北京大學日刊

●學術講演會啟事

本會定於五月五日(星期日)仍在下列各處講演列表如左幸聽諸君注意

講演科目	講演者	地點	日期	時間	講演次數
動的新教授	鄧萃英	西城手帕胡同教	五月五日	上午九時至十一時	第三次
生物與人生	李煜瀾	琉璃廠北京高等	五月五日	上午九時至十一時	第三次
哲學	師範				
天文學	秦汾	馬神廟北京大學	五月五日	上午九時至十一時	第四次

部令

▲教育部訓令第一八四號

令北京大學校

前據吉隆坡中國全國教育成績展覽會代表馮右俠以徵集賽品具呈到部當經本部批斥並訓令新加坡總領事切實查明該會辦理情形詳覆備核據呈復稱吉隆坡中國學校係一初辦小學學額祇數十名借嘉應州會館為校舍規模極小經費奇絀核校長馮右俠發起是會既未經該埠商會通過又未經各埠學校同意

並呈准總領事轉呈核辦實然具呈遲報大部復在內地各報擅登廣告並將英荷兩屬全數領事列名而本埠各報寂然無聞迨內地傳來消息始悉所謂發起人贊成人均未由本人畫諾跡近招搖事屬冒昧圖屬僑商羣起反對業由總領事飭令該會停止進行在案惟江西教育廳及福建建安道尹日內均有成績品寄到茲暫為收存擬俟本坡學校年終辦畢業時送請陳列茲奉前因合將該會停辦情形呈復察核等情應節錄此案令知該校以後遇有前項情事應候行政機關令知再行

第一二五號
除星期日外
正出日
附兩張

編輯部
經理部
廣告及
費

北京後門內景山東街(馬神廟)北京大學內
電話東局一千零七十二號

照辦以免誤會而杜招搖除咨各省區公署外合行令知遵照此令

本校布告一

(一)本年法預科三年級生志願入商業學門者人數甚少暑假後此門不開新班凡志願入商業學門諸生可改入他門此布

(二)周象賢先生續講衛生學

今日午後五至六周象賢先生仍在理科第一教室演講家庭衛生特此通知

▲評議會啟事

評議會諸君公鑒五月三日午後四時在校長室開臨時會屆期敬請 蒞會此訂並頌公綏 蔡元培謹啓

▲文科布告

(1)本科三年級哲學門中國哲學史業已講畢自今日起停課

(2)本科二年級哲學門星期五之生物學二小時改在星期三日午後一時至三時講授

(3)本科哲學門現設之「科學發達史」「地質學方法論」二課茲因選修學生太少不敷開班人數本學期內暫不講授

(4)預科三年級英文班本年畢業後願入本科何門肄業望即日親到教務處註明為要

(5)預科二年級英文班星期四日法讀本一課改於是午後一時至二時講授 四月三十日

▲北京大學音樂會啟事

啓者頃得青年會來電該會於下月十八日將開全體大會請本會前去協助一切云云茲定於明日下午四時在景山東街本部開會公決屆時尚有選舉職員及他項要事待商務望諸君早臨是荷 四月三十日

致文法工科學長各教

授會主任庶務主任公

函

敬啓者現草就今夏招考簡章一通特附於後其中不妥處恐尙甚多諸公有何高見務乞於本星期六前示知以便修改至禱至禱

弟夏元璠謹啓

附北京大學預科招考簡章

一 本校現設文理法工四科文科設哲學中國文學中國史學英文學四門理科設數學物理學化學地質學四門法科設法律政治經濟商業四門工科設土木採冶二門
舊章法科四年畢業其餘各科三年畢業本科外各設預科舊章均三年畢業自去年所招預科一年級生起預科一律改爲二年畢業本科一律改爲四年畢業本科畢業生得稱學士
二 文理法三科今年招考預科一年級新生本科除文科新設法文學一班外其餘各門均不招收
三 投考預科一年級者必須中學校畢業或與中學校畢業生有同等學力者
四 投考預科一年級者其入學試驗科目及程度如下
文科 法科
第一場 國文 解釋文義 點句 作文
(以詞意清通用助詞悉能中律令者爲合格)
第二場 外國語 (英文或法文或德文) 文法 繙譯
數學 算術(至比例) 代數(至二次方程) 平面幾何
(至圓周)
第二場 中國歷史 (中學程度) 地理 (中學程度) 理化博物大意
理科
第一場 國文 解釋文義 點句 作文
(以詞意清通用助詞悉能中律令者爲合格)

英文 (文法) (繙譯)

數學 算術(至比例) 代數(至二次方程) 平面幾何 (至圓周)

第二場

理化博物 中學程度

五 第一場若不及格即不錄取毋庸再考

六 學費預科每年二十五圓分三期於開學前繳納如左

第一期 自九月至十二月 九圓

第二期 自正月至三月 八圓

第三期 自四月至六月 八圓

七 寄宿舍辦法俟規定後另行通告

八 學生須著制服入學時繳費十五元由校製定發給冬夏各一套

九 試驗費現洋二元

既繳之試驗費無論如何情形概不退還

十 入學時須填具願書並邀同保證人來校填具保證書

十一 報考時須繳近照四寸半身相片一

張填寫詳細履歷中學校以上各級畢業生並呈驗文憑

既繳之相片概不退還

十二 致取各生統限於九月初十日以前到校逾限取消入學資格

十三 報名及試驗地點北京在景山東街(舊名馬神廟)本校上海在徐家匯工業專門學校(舊名南洋公學)

十四 報名自六月十七日起至七月十三日止試驗自七月十五日起至七月二十四日止京滬二處同時

試驗之結果北京在政府公報北京日報上海在時報宣佈

十五 本年入學試驗止舉行一次

▲理科化學門研究所啓事

敬啓者本星期五(即五月三日)丁緒賢先生在所講述 Two Component System Thermal Analysis, 特此通告

▲法科圖書館布告

茲承 農商部捐贈第三次第四次農商統計表各一册 又承教授宋建勳先生捐贈獨立報四册特此鳴謝

▲畫法研究會通告第二

十號

本會會所現已確定會中每月應辦各事具見逐月會務豫算表現時四月分會務已經完畢檢查各項成績頗多可觀本學

期尚有五六兩月繼續開辦全校教職員及各科同學不乏夙工書法及篤志學習之士如有心欲入會尚未報名者望於一星期內到本會會所或本會幹事處填寫入會願書簡章等項承索即奉此佈

四月二十九日

▲書法研究會通告第二十一號

五月一日下午三時至六時本會會員章味三先生在本會所出示小萬柳堂扇面大觀二百四十冊皆明清名家手筆又宋勾龍爽畫葛稚川移家圖手卷一件請會員參觀是日晚上七時又請李毅士先生在理科第一教室演講統希會員蒞臨

▲書法研究社通告

逕啟者本社定於本月三日(星期五)晚七鐘假文科第一教室開第三次講演大會請劉季平先生到會演講屆時務希社員諸君蒞臨爲盼

本校紀事

▲學生銀行查帳員馬寅初報告

本員特於上星期六日(即二十七日)親赴學生銀行查核庫存金與存出金兩項蓋此兩項就目下情形而論關係銀行至鉅也兩數均係實存之數無絲毫之差異惟存出金一項平日攷核難得其實種種理由暇當詳細說明也謹佈

▲本校派生留學近聞

本校擬每年派畢業生二十名往美國留學現已呈請教育部咨商外交部於美國退回賠款留學名額增加二十名以備本校選派畢業生前往留學呈文全文如後呈爲擬請咨商外交部增加美國退回賠款留學名額選派本校畢業學生前往留學事竊維國家富強恃乎人材人材陶鑄端賴教育當教育初興學術幼稚之時欲造宏博之人材爲強國之基礎則派生留學尙矣昔美當十九世紀前半衰弱不振歐洲列強不以同等國視之美知轉弱爲強非興教育不可於是開辦學堂獨立報館凡可使教育發達者無不竭力從事但卒以人材稀少雖有大學未臻完善爰遣大學畢業生留學德國冀截德之長以補其短其結果適如所期著述發明迭出不鮮比年以來進步尤速其科學大家類能獨樹一幟以與德國相對峙此美國假途于留學以致其富強者也十九世紀後半之日本其國勢衰頹與美國同而其致強之道亦與美國無異在今日雖號稱強國而其大學畢業學生負笈于海外者猶陸續不絕蓋非如是不足以進于學術較高之域也今中國之積弱十倍於日美而科學之不發達較昔日之日美尤甚非我國子弟之資質出於日美人之下也實以

學術幼稚欲求高深者無道耳今者大學雖設有研究所分門研究冀達精益求精之域然創辦伊始諸多簡略欲與歐美抗衡今日尙不足以語此故欲求國家富強促學術發達資遣學生留學實爲當務之急不可一日緩也本校向有派送學生之成例前清光緒二十九年十一月資遣學生三十一名赴日留學三十二年七月資遣通進士館辦法分別資遣畢業學生赴日本留學游歷三十二年二月復派師範畢業生八名赴英法美三國留學自民國成立國庫奇絀派生之舉因而停止此不僅無以鼓勵學生亦且有礙學術發達誠莫大之遺憾也茲爲國家前途計爲本校畢業各生前途計擬請鈞部咨商外交部就清華學校原定留學名額之上每年酌添二十名專備本校派遣畢業學生留學美國之用查清華學校資出於美國所退還之庚子賠款美之出此蓋欲栽培我國子弟至于弟之出自何校諒勿計也至外交部爲清華主管之部與清華關係當甚密切然本校爲國立大學則于本校學生斷不至有所歧視況本校所請者祇增加二十名額於清原額未嘗減少於國家負擔不增分文而於社會國家利益實多誠一舉而數善備也再

本校文法理工四科每年畢業約計十四班左右每班以二人或一人計算二十名之額似難再減所有選派本校畢業學生留學美國緣由及其辦法理合呈請鈞部鑒核並咨商外交部核准施行實爲公便此呈教育總長

北京大學校長蔡

▲西山旅行隊住屋租定

本校現已租定西山靜宜園及碧雲寺房屋爲本校西山旅行隊今夏住居之用其合同如後

茲由北京大學租定西山靜宜園住夏

房屋二所兩方訂立條約如左

一租之屋爲見心齋全部及昭廟大樓

全部租期以三個月爲度自七月一

日至九月三十日

一租金言明現洋五百四十元於進屋之

前付三分之一中期付三分之一滿期

時全數交付

一住客舉動各須文明不可有粗鄙浮薄

之行爲如損壞門窗欄柵花草諸物須

照價賠償

靜宜園代表英斂之

北京大學代表蔡子民

中 証張蔚西

中華民國七年四月

日立

文藝

哲學對於科學宗教之聯繫論

(續) 文科哲學門譚鳴謙

哲學家雖自有常住之地位。而恆立於二者之間。當科學之性質趨於冷酷時。而哲學家溫和之以宗教。又當宗教之性質過逞猛烈時。而哲學家則鎮定之以科學。有時固與科學相親。有時亦與宗教相近。有時能使二者渾融無迹。以成就思想界活動之統一。更有時能使二者各安其於固有之地位。以各發揮其人類心性之本能。若是哲學家之職分。豈不綦重哉。雖然。欲知哲學之何以有此能力。不得不先就心理學上之作用。以考察哲學科學宗教三者之成因焉。

第二章 智力與感情

吾人之精神作用。種類甚多。然大別之。有二大系統。一曰智力作用。一曰感情作用。或稱曰理性。曰感情。吾人之所有精神作用。不屬於理性。即屬於感情。莫有能出乎二大系統之外者。且智力作用最大時。感情作用必最小。又感情作用最盛時。智力作用必最弱。試觀吾人當考察事物之際。

辨別錯雜。分析秋毫。斯時也。與苦樂相關連之一切感情。全然滅跡。反之吾人當喜笑悲泣。情緒熾盛之時。一切判斷作用。殆消失無影。是其明徵也。故可謂智力感情二作用。為精神界之兩極。而一切心理現象。悉動搖於兩極之間者也。亦可謂一切心理現象。全由智力感情所配合。而莫能外者也。今試比較二者之特質。而紀述其相異之點。約有四焉。(一)智力作用分析者也。而感情作用則為綜合。(二)智力作用意識者也。而感情作用則為無意識作用。意識者。而感情作用則為無意識。(三)智力作用靜止者也。而感情作用則具有動力。(四)智力作用必然者也。而感情作用則極為自由。何云智力作用為分析。而感情作用為綜合。蓋智力作用之本性。在乎辨別。而吾人所謂得知某事物者。即由辨別作用以認識某事物。互相聯繫之謂也。故辨別作用愈銳敏。則認識事物愈為容易。然辨別作用。即由分析觀念。以比較事物之同異所生。故曰智力作用分析者也。至若感情作用之所謂不快者。完全為單純之精神狀態。無所從而分別。若取其要素而分解之。便屬諸理性而非感情矣。故當精密分析感情之要素時。即不能純謂之

感情。感情者。常單一而無差別。以表現者也。因之高尚純粹之美感。及神韻縹渺幽玄深邃之境界。雖任以如何銳敏之智力。卒不能認識其成立之要素。(未完)

雜錄一

八識規矩頌淺說初稿 (續)

張克誠先生在哲學會之演講

先將頌中諸名相提前。略附古人舊解。

(免致臨文再生誤。)

(一)三境。即性境。帶質境。獨影境。凡境皆屬相分。性境。謂相分上實根。塵境。帶質境。謂以心緣心。換言之。即是以見分緣見分。兩頭帶出有質之相分境。名真帶質。或以心緣色。帶彼外塵本質。擬議其長短方圓。名似帶質。獨影境。分有質無質二種。有質獨影。謂六識緣五塵過去影事。所變相分境。無質獨影。謂六識緣空花兔角等事。所變相分境。二者相分。唯從見分一頭生起。

(二)三量。即現量。比量。非量。曰者。量度為義。屬見分上事。一現量。有現在義。有顯現義。有現前義。以明證眾境。不帶名言。無籌度心。親得法體。故名現量。二比量。比謂由比度而知。如從遠見煙。知彼有火。隔牆見角。知彼有牛。名為比量。三非量。謂心心所於緣境時。錯謬分別。名為非量。

(三)三性。即善性。惡性。無記性。而無記性。又分有覆無記。無覆無記二性。

(四)三界九地。三界。即欲界。色界。無色界。而三界中又分共九地。一。欲界五趣雜居地。二。初禪離生喜樂地。三。二禪定生喜樂地。四。三禪離喜妙樂地。五。四禪捨念清淨地。六。空處地。七。識處地。八。無所有地。九。非想非非想處地。

(五)心所有六位。一。遍五心所。曰觸。曰作意。曰受。曰想。曰思。二。別境五心所。曰勝解。曰念。曰定。曰慧。三。善十一心所。曰信。曰慍。曰愧。曰無貪。曰無瞋。曰無癡。曰精進。曰輕安。曰不放逸。曰行捨。曰不害。四。根本煩惱六心所。曰貪。曰瞋。曰癡。曰慢。曰疑。曰惡見。五。隨煩惱二十心所。分小隨。中隨。大隨。小隨煩惱有十。曰忿。曰恨。曰覆。曰惱。曰嫉。曰慳。曰誑。曰誑。曰害。曰憍。中隨煩惱有二。曰無慍。曰無愧。大隨煩惱有八。曰掉舉。曰昏沉。曰不信。曰懈怠。曰放逸。曰失念。曰散亂。曰不正知。共五十一數。

(未完)

本刊投稿簡章

七下已

歡迎之列

歡迎之列

歡迎之列

歡迎之列

歡迎之列

國史徵集股啓事

徵集史料見在

外各機關請到志書

PEKIN-UNIVERSITATO

Chiutaga Gazeto

北京大學日刊第二張

Red. & Adm.:
„Pekin-Universitato,”

The Government University,
Peking, China

Prezo:

1 numere 2 ¢
1 monato { en Pekino 30 ¢
 en aliaurbo 45 ¢

P.m. ne akceptata.

本校布告二

圖書館書目室啟事

頃承清華學校圖書館袁同禮先生捐贈本館
紐約省一九一五年教育狀況報告書一本
紐約省公立圖書館一九一七年報告書一本
又承交通部工業專門學校南洋學會捐贈本館
學生雜誌第二卷第二期一本
又承理科夏學長捐贈本館
Reorganization of English in secondary schools 一本
除編號存館專函鳴謝外特此佈告

又本館新到雜誌如下

1. 學生雜誌 (第二卷第二期)
2. The worlds work (Vol. 35 No. 6)
3. The English weekly. (No. 135)
4. Metallurgical and chemical Engineering (Vol. 18 No. 7)
5. Railway Maintenance Engineer. (Vol. 14 No. 4)
6. Engineering News Record. (Vol. 80. No. 13)
7. The Am. Review of Review (Vol. 57 No. 339)
8. Esperants (No. 209, 210)

雜錄二

介紹新著

夏元璠

三月份之美國物理學雜誌 Physical Review 有文一篇
題名 Mobility of Jousin air, Hydrogen and Nitrogen
著者係華人名 Kia-LoK yen 據言不但在空氣即在輕
氣淡氣中公例亦均密合 (公例言 mobility pressrare =
Constant) 按歐美各科學雜誌中華人之著作絕無僅有
因特爲yen君新著介紹焉

現代心理學 (續)

本校陳教授大齊在學術講演會之演辭

第五章 差異心理學 Differential Psychol^o

8Y

差異心理學之意義 人之心作用雖大體相同若語
其細點則又各異所謂人心不同各如其面也茲所云差
異心理學者注重各人心作用差異之點欲闡明個人心
作用之特色因以規定精神之種類者也從來之心理
學專以普通心理學爲主即專以研究個人心作用同具
之法則爲主於個人差異方面不甚注重近時發見此弊
乃思研究差異心理學以補救之然此學研究之日尙淺
未有充足之材料此所述者不過普通心理學所既研究
而特與個人差異有關係者耳

感覺之差異 視覺聽覺等感受之力人各不同是極
明白之事實關於視覺方面言之盲者全無視覺是可稱
視覺上無能力者或雖不至於盲而不能辨別顏色所謂
色盲是也盲色之中有全色盲與部分色盲之別患全色
盲者一切顏色皆不能見若以有彩色之畫置之眼前僅
見濃淡異度之灰色而已部分色盲中如紅綠盲能見青
黃等色而不能見紅綠如青黃盲能見紅綠而不能見青
黃患全色盲者雖不常有患部分色盲者似頗不少亦有
雖非色盲而對於顏色種類之區別顏色濃淡之區別其
辨別力甚弱者

聲音有高低之區別高者尖銳低者宏亮自外界之刺
戟言之高低均無限制自內界之感覺言之則有一定界
限過低與過高者均非耳所能聞而各人所能聞之度頗
不一致大抵年老之人不能聞高音然亦有年紀尙輕而
對於高音之感覺異常遲鈍者如史克立伯區 Scripture

書中所引美國某雜誌記者不能聞小鳥之聲以爲鳥啼「云云不過詩人之形容猶「花笑」之類也有名之音樂家其聽覺必銳敏甚高之音常人所必不能聞者彼亦能聞之

記憶力之差異 個人記憶力之差異甚爲顯著自記憶之遲速保存之久暫再生之確否各點言之莫不有種種區別關於遲速久暫近有應用實驗的檢查而分爲下列四類者(一)記憶甚速而遺忘亦甚速者(二)記憶甚速且保存甚久者(三)記憶雖遲而善能保存者(四)記憶既遲又不能長久保存者四類之中屬於第一類第三類之人最多屬於第二類第四類者甚少蓋屬於第二類者實是天才屬於第四類者則近於變態

箇人之中又有異常善憶及異常善忘之人昔希臘人塞米司脫克來司 Themistocles 認識雅典全市之人能一一道其姓名而不誤雅典市雖小人口雖寡然亦必有二三萬人塞氏能一一道其姓名可謂善憶者矣鷓鴣林子載「儀同三司左僕射劉臻……世事多所遺忘有劉誦者亦任儀同……臻住城南劉住城東臻嘗欲尋誦謂從者曰汝知劉儀同家乎從者不知尋誦謂臻還家答曰知於是引之而去既至門臻尚未悟謂至誦家乃據鞍大呼曰劉儀同可出矣其子迎門臻驚曰汝亦來耶其子答曰此是大人家於是顧盼久之乃悟至家不悟可謂善忘之尤者

記憶想像之差異 一個觀念成自若干感覺之結合例如汽水之觀念中有甘味之感覺有香氣之感覺有冷之感覺顏色之感覺有汽水注入杯中時之聲音感覺有喝汽水之運動感覺然則當吾人記憶汽水之時或想像水汽之時何種感覺之印像浮於吾心使人藉以記憶想像乎據高爾騰 Galton 之研究記憶想像時所喚起之印象人各不同約略可分爲三類 「未完」

英國刑法上犯罪之大要 (續)

法科法律門類

(二) 屬人主義 (Personal Theory) 者即一國之刑法專支配內國臣民之犯罪不分其犯罪地在國內與國外也

此主義與屬地主義相反英國古時用之今則限

於犯謀殺故殺及重婚罪之英國臣民當由英國處罰苟犯人逃於外國者則要求引渡或待其歸來可也故此主義爲屬地主義之例外

但對於有領事裁判權義務之國家 (Consular jurisdiction) 則採此主義蓋英國人犯罪於有領事裁判權義務之國者則受英國法律支配由英國法庭處罰之也

(三) 自衛主義 (The Theory of Self Preservation) 者即一國之刑法專支配在外國之外國人對於侵害自己國家之安寧幸福之犯罪者是也此主義既非屬人主義又非屬地主義或名之曰準屬地主義 (quasi territorial) 在一八七九年國際法規採此制度公認此主義在刑法上有支配效力 (未完)

集會一覽表

五月一日——五月三日

注意 如有錯誤遺漏請通知本日刊編輯部

會期	時間	召集者	會所	摘要
五月一日	下午三時至四時	哲學研究所	研究所	胡適之先生講演歐美哲學
五月一日	下午四時至五時	哲學研究所	研究所	張克誠先生講演佛學研究
五月一日	下午四時至五時	國文研究所	研究所	劉農伯先生講演詞
五月一日	下午四時	法科	法科長室	開研究所各教授會主任會議
五月二日	下午三時半至四時半	音樂會	華美春會場	吳翠安先生教授崑曲
五月二日	下午八時	靜坐會	法科大講堂	蔣竹莊先生講演靜坐法
五月二日	上午十時半至十二時半	經濟門研究所	研究所	胡鈞先生講演財政學
五月三日	下午三時至四時	哲學門研究所	研究所	陳百年先生講演近世心理史
五月三日	下午一時半至二時半	英文研究所	研究所	威爾遜先生講演十九世紀英文
五月三日	下午二時半至三時半	英文研究所	研究所	威爾遜先生講演戲曲
五月三日	下午四時至五時	國文研究所	研究所	劉周胡三先生講演小說
五月三日	下午三時至五時	法律門研究所	法典編查會	王寵惠先生講演比較法律
五月三日	上午十時至十一時	經濟門研究所	研究所	陳兆焜先生講演經濟學
五月三日	下午三時半至四時半	經濟門研究所	研究所	馬寅初先生講演銀行貨幣
五月三日	下午四時	評議會	校長室	開臨時會
五月三日		理科研究所	研究所	丁緒賢先生講演
五月三日	下午七時	書法研究所	文科第一教室	開第三次講演大會